



Uunga Inatsisartunut ilaasortaq
Doris J. Jensen
Siumut

23-11-2023
Sags nr. 2023 - 28082
Akt. id. 23642783

Postboks 260
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

§ 37 naapertorlugu apeqqummut nr. 164-imut qinersisarneq pillugu inatsimmut akissuteqaat

Asasara Doris J. Jensen.

Qujanaq apeqqutinut. Apeqqutit ataasiakkaarlugit allaqqinneqarput, akissutaannik malitseqartillugit.

- 1. Siornatigut Qinersisarnermut Inatsit pillugu Inatsisartuni oqallitarnerni Naalakkersuisunit ersernerluttumik itigartitsissutigineqartarnera pillugu paaserusuppara Qinersisarnermut Inatsit nunatta 1979-miilli nammineq akisussaaffigisaa allanngortinneqassappat tamanna inatsimmik unioqqutitsinerunersoq?**

Akissut:

Suliassa qarfirmut tiguneqartumut inatsisinik allanngortitsineq inatsisinik unioqqutitsinerunngilaq, inatsimmi nr. 473, 12. juni 2009-meersumi pineqartumi Kalaallit Nunaanni Namminersorneq pillugu inatsit § 1 naapertorlugu allaqqammat "Kalaallit Nunaanni Namminersorlutik Oqartussat suliassa qarfiit tigusatik pillugit Inatsiliornissamik aamma naalakkersuinissamik pissaaneqarput."

a. Taamaappat suna inatsit tunngavigalugu unioqqutitsinerua?

Akissut:

Apeqqut 1-imut akissut naapertorlugu qulaani allaqqasup akineqarnissaa attuumassuteqanngilaq.

Inussiarnersumik inuulluaqqusillunga

Jess Svane



22. November 2023

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

- 1. Siornatigut Qinersisarnermut Inatsit pillugu Inatsisartuni oqallittarnerni Naalakkersuisunit ersernerluttumik itigartitsissutigineqartarnera pillugu paaserusuppara Qinersisarnermut Inatsit nunatta 1979-miilli nammineq akisussaaffigisaa allanngortinneqassapat tamanna inatsimmik unioqqutitsinerunersoq?**
 - a. Taamaappat suna inatsit tunngavigalugu unioqqutitsinerua?**

(Inatsisartunut ilaasortaq Doris J. Jensen, Siumut)

Tunngavilersuut:

UKA22-mi, UPA23-mi aamma UKA23-mi Inatsisartuni aalajangiiffigisassatut siunnersuummik qaqitsisoqartarsimavoq iluatsinngitsumik, taakkunanilu tunngavilersuutaasarsimavoq Naalagaaffiit Peqatigiit inuit pisinnaatitaaffii pillugit inatsisaannik unioqqutitsinerussasoq, taamaattumillu nunatsinni Qinersisinnaangornissamut piffissaliussap allanngortinnissaanut aqputit suut atorneqassanersut suleriaqqinnissaq pillugu Inatsisartunut Ilaasortatut erseqqissumik ilisimasaqalernissara pisariaqartippara.

Naak inatsit uagut inatsisartut aqputigalugit inatsisiliarisimagaluaripput paasinninnera naapertorlugu nuna ima inissisimavoq inatsit taanna pillugu nunani allani oqartussat ilanngullugit apereqqaarneqassasut, tamassumalu sukumiisumik tunngavilersorneqarsinnaa kissaatigivara.

Apeqqutigineqartut ullut suliffiusut qulit iluanni akeqquneqarput.